

福建山經卷一

方志向合山川爲一類然川常改流山其不改無諸九日嘗宴于此大合者多矣故分志之志川體例畧仿水經注志南二里俗傳昔有何氏諸山方位主山外率自北而東而西而南其去城若干里周遭若干里積高若干丈與其所以得名之由可攷者載焉至其中所有名勝則天然者敘於各山之下人造者入名勝志

福州府

閩縣

九仙山在府城東南隅閩中記云

見八閩通志

越王無諸九日嘗宴于此大石

樽尙存亦號九日山太平寰宇記云在州東南二里俗傳昔有何氏兄

弟九人于此學道上昇曰九仙山

名勝志云漢武帝時父爲淮南王與客九人知王必敗遂入閩居此輿

地紀勝引許將新子城記云福在東南爲都督大府所治背負越山前

翼九仙烏石包有三山三山志云本名于山高一百十五步周圍三百

一步或謂州南東西兩山左弱右彊乃建觀九仙山之巔號天寧萬壽樓閣歸然遂與烏石相埒紹興七年改爲報恩光孝觀鼇頂峯陳誠之肄業之所平遠臺東有小橋橋旁有巨石刻平遠峯三字小華山舊石上鐫此三字金粟臺程師孟以塔定光塔中王氏時所塑金粟像名石上三字元少卿篆八閩通志云浴鴉池仙人床一作躍馬岩碁盤石金積園鼇頂峰玉蟬峯琴臺青牛洞醉鄉石石門九日臺石龜池煉丹井龍舌泉梅嶺獅子岩集仙岩磊老岩雙石祠以上皆在山上二十四奇中景也小華峰在山之南金粟臺在山之西名勝志云平遠臺居中占勝鼇頂峰峙臺東南宋狀元陳誠之讀書于此俗稱狀元峰其旁玉蟬峯與鼇頂相聯而差小閩書云城中有九山諺曰三山藏三山現三山不可見是山與侯官之烏石粵王其現者也羅山與侯官之冶山閩山其藏者也又有隱隱磅礴於闔閩閒者曰靈曰芝曰鐘故曰不可見也按九仙不載傳記相傳本臨川人九人皆瞽惟長者一曰上豎獨明後相

率煉丹以飼湖中鯉鯉盡化龍九人各乘一去今仙遊縣之九鯉湖是也九人始入閩時蓋居此山黃滔丈六金身碑又云古仙徐登上昇之地山有三十奇曰祈雨僧真身曰杏壇曰仙羊石

羅山八閩志云九仙山之別支也名勝志云北麓有法海寺閩書云在萬歲寺南誤當云萬歲寺在其南

祠山在九仙山平遠臺下閩都記云以山有漢張渤祠素著靈異故名靈山八閩志云在府城內東北隅閩書云侯官縣越王山之支也中有開元寺黃滔碑云勝莫勝於開元寺尙莫尙於寺之靈山阜案當亦名龍山旁有龍山巷龍與靈一音之轉也

芝山三山志云後人名開元寺後山爲芝山以別於靈山八閩志云與靈山相連閩書云芝山東吳時有都尉營置典船都尉造舟此山之麓丁戊山在府城中央八閩志云一名嵩山又名中山隱隆磅礴於閩闔之中閩書云九仙之支也舊爲嵩嶽觀稱中山嵩嶽崇福行宮蓋閩王望

祀之所名勝志云唐咸通歲建安福院於此閩王審知始創木塔七層
呼爲新塔今院已廢其地尙呼塔崎云

鼓山在東門外鼓山里閩書云鎮山也屹立海濱距城東三十里絕地可
十五里延袤數十里閩都記云其高入雲表峯巒巖洞不可指數三山
志云建中四年龍見于山之靈源洞從事裴胄曰神物所蟠宜寺以鎮
之後有僧靈嶠誅茅爲臺誦華嚴經龍不爲害因號曰華嚴臺亦以名
其寺乾化五年改爲鼓山白雲峯湧泉院靈源洞巖竇欽怪每雷雨作
其中簸蕩若鼓聲喝水巖國師晏誦經于此惡水聲喧轟叱之西澗乃
涸迸流于東澗鼓石石狀如鼓或曰鳴則爲兵應大頂峯小頂峯不通
人跡咸平中丁謂與諸公始披榛以登浴鳳池在大頂北有樵者常見
五色雀羣浴于此石門在池之南有石研立若門應眞臺祖師巖湧泉
竇甘露松白猿峽香爐峯皆在石門之右八閩志云有石狀如鼓故名
靈源洞在湧泉寺左將軍石在靈源洞道側侍立若甲卒故名小頂峯

在湧泉寺後大頂峯由小頂峯而上里許上有石刻朱文公天風海濤
四大字閩都記又云靈源洞下數十級以入其中高廣數尋朱子鑿壽
字甚鉅於洞中喝水巖宋蔡襄書忘歸石三字大頂峯又名劣削峯其
巔若覆釜海音洞在鳳池之右厯數峯始達洞口可布數席其中深不
可測時聞海濤之聲白雲洞在海音洞下由黃坑而登可一里許險巖
峻峭巨石某置萬曆丙戌沙門悟宗始闢鑿石穿竇爲三天門又有水
懸注名吼雷湫有潭名印月潭閩書云大頂峯東視大海一氣茫然螺
髻數點隱見煙波中相傳大小琉球云其岡則牛眠半月眠狗龍脊支
山則鼓岐蓬岐劍山鼓岐下臨大江石圓如鼓蓬岐山多巨石劍山臨
江舊石如劍痕嶺則叫佛蕭灣魁崎崎上有巖曰劍石約五十餘丈相
傳黃巢兵經此以劍藏石下洞則靈源尤奇西澗貫其中覆以石橋其
左怪石無數小徑逶迤至水雲亭南向豁然方山當其前白雲洞石磴
七百二十級蛇洞在蓬岐山中山石重疊成洞巖則國師懸鐘雲屏佛

頭虎窟國師巖在西澗底東壁深廣各十餘丈晏師既唱澗澗水後閩

王加號興聖國師因以名也山之裔爲卧牛山

八閩志云府城東之首山也

爲孟崎

福州府志云沿唱水巖而東有龍頭泉卽喝水之右轉者又東有白猿

峽之左有石門卽臨滄亭舊址獅子峰東爲鉢孟峰舍利窟

俗名篋

在香港爐峰前東峯在鉢孟峰前卓錫峰在東峰左乘雲嶺在東峰下天

鏡巖在般若洋深可八丈上有竅其圓如鏡引天光下矚鼓山志云鼓

山距城伊邇直至唐末始闢洪荒白雲鳳池諸勝至明季始發其靈秀

奇瑋白雲峰一名小頂下有忘歸巖緹貓石鳳池山在大頂北三面皆

山南闢爲門中平行百餘畝池廣十畝下爲鳳池東鄉鳳池西鄉獅子

峰爲小頂右支上有達摩洞白雲洞前有雲屏巖叫佛嶺在一天門下

龍脊道在二天門下

長樂山在易俗里距東城二里寰宇記云在州東六里越時有神仙騎白

馬來此因名白馬山天寶六載勅改爲長樂山閩都記云梁改閩縣爲

長樂

名勝志作後梁改案當作後唐

更今名山之陰有溫泉焉山之陽爲三昧山寶月

山又南爲東嶽嶺逾嶺而東曰竹輿鄧氏居之曰前輿黃氏居之曰後輿葉氏居之名勝志云寶月山以寶月寺而名東嶽嶺岳廟及東華宮

閩時創

金雞山在孝義里距東城三里八閩志引閩中記云秦始皇時望氣者云

此山有金雞之祥遂劖斷山脊以厭王氣舊斷處爲人行路號曰金雞

巷

三山志同巷一作弄

閩都記云今爲叢塚山北青鷺山桑溪之水出焉

龍窟山八閩志云在金雞山後舊記云山穴有蟒天矯蜿蜒額有王字人

以爲龍而祀之故名東湖山與龍窟相連舊記云有宋林觀過林夙二

先生之居閩書云閩王曲水流觴處也溪東荔枝林唐宋時荔枝最盛

有嶺曰獵嶺有岡曰雞心巒西連奇山多怪石其小山曰峭谷

茶園山八閩志云自金雞山發脈平田中踴起員阜首復蜿蜒南行爲寶

月山閩王延稟爲王仁達所敗奔於此

鳳丘山在瑞聖里去東城五里閩都記云有朱文公大書鶴林二字又鳳丘二字其山北連蒲嶺南迤邐際江彭耜修真于此續筆精云宋紹興中真人彭耜號鶴林名勝志云彭耜早有文名師白玉蟾得太乙刀圭術隱居于此與妻潘蕊珠烹煉九鼎後俱尸解

東山在瑞聖里去東城十里三山志云榴花洞唐永泰中樵者藍超遇白鹿遂之渡水入石門始極窄忽豁然有雞犬人家主翁謂之曰吾避秦人也留卿可乎超云欲與親舊訣乃來遂與榴花一枝而出恍若夢中無而尋之不知所在龍首澗許狀元將肄業之所治平丁未知縣陳清刻石大書曰龍首澗惟有讀書堂案八閩志無後五字神移泉開元中僧守正以居高汲遠患之一夕泉迸于居側視舊井則已涸矣若神移然文殊巖巖有古像歲久塵敗夜忽現光林樾閒師子峯象其形也又聖泉院下云景龍元年僧懷一始卜居愛同寺之西苦乏水忽一日二禽鬪噪於地心異之杖錫往視因卓其所有泉如縷俄而湧凌文乃礪石環其口

分爲兩道注東者濯所用之南流者爲池八閩志云松埕松極高大宋初已有之天台井靈芝塢螯龍淵俱在東山又江右里亦有東山西連磐石東接象嶺山之旁有石洞豁然明朗曲折深邃內有二石名仙石床閩都記云山之東爲古嶺下有鐵鼎潭龍居之又云文殊般若寺後有山舊產金沙

鳳洋山距東城七十里閩都記云在江右里兩峰相應勢如搏鳳相傳王進才飛昇于山顛有遺蹟石床棊枰几案猶存地名龍門

嬰臺山在江右里閩都記云旁有銅斗山天馬峯下有石橋龍溪之水出焉又有鷺峯山下有馬面潭歲旱禱雨

盤石山在江右里閩都記云山之顛有三石高數十尋又一石疊其上方如棊盤迴港繞其下水出衡山之龍溪曲折三十六灣合流而注于閩江又石門山南接湖林北連濂山山之顛萬仞壁立不能容足上二石夾峙如門故名

衡山在江右里閩書云元和圖志閩郡有衡山潮從閩江口入三十六灣與溪水會山形如鐘甬路接鼓山名勝志引元和志云一名霍山

重雲山在江右里閩都記云嵬峩能興雲雨中有一巖平坦十餘丈巖中一井天成名龍井

象山距東城七十里閩書云形如象霓溪貫其中山裔人家環焉

雙髻山在台北里閩書云從香爐峯逼天而來重巒疊嶂上有龍潭削巖夾立飛流七十丈下有溪與龍逕溪會流其名曰浩龍逕宋鐵冶場也東爲錦屏堦鑿有笏石動石名勝志云與洞江相接者有浩溪從溪涉上有半練叉上有石梁水簾噴注其中有白氣如虹自此而上峭壁夾天西有龍門水注下可二十丈廣殺十之六爲第三龍潭無徑可上就東石壁之橫縫緣竹根躡入可二百餘步至第二龍潭兩壁愈高幾及千尺白練飛下可四五十丈下注潭口可二丈潭前舊有石屏龍怒而碎之自此兩壁直上如削欲上第一潭不可得福州府志云溪曰出溪

孟溪浩江龍逕溪

百洞山在台北里閩書云在覆釜山陽五峯疊下中峯蓮花峯最奇有石
鯨仙桃石室星窩猿公洞獅子巖石蛛蝙蝠洞又有虎館仙掌日輪石
鼎一線天閩風臺蓮花藏明暗穿受凡十七曲見蓮花頂如髻中有青
芝寺以生青芝得名名勝志作八仙巖云久沒蓬高明萬曆閒里人大
理寺丞董應舉始開得之洞穴玲瓏明暗相受旁通曲轉高下輔承去
仙巖左三百步得洞十餘置青芝寺其上以洞爲門紆曲千餘步下爲
半湫四曲至藤阿又四曲至受人巖有門焉曰宛宛門折而入爲翠簾
洞廣丈餘深倍之高九尺南爲金剛石東三曲爲星窠北爲懸石洞二
石懸兩巖閒厯數級五轉而至石窠大可一室羣巖四立規中天鏡旁
有石半覆半垂石窠轉而上凡五曲又名十曲洞乃至寺寺前見石窠
前巖宛猿公也左有獅子巖三石夾立如永巷可三十丈上有三角石
左百餘步有古蝙蝠洞又左越山支者四有虎館甚奇餘洞藏于榛莽

者不可勝數

玉頂山八閩志云下有龜巖

君山八閩志云上有崑崙石室下臨馬面仙潭

磧源山八閩志作磧下石云在鼓山里福州府志云城中伐石者咸集於是

鵬山八閩志云上有石上天下小名仙芝石又有石眼界閩書云有三生石九眼泉凡十八景

疊石山八閩志云高聳衆山之上挺然獨秀前有靈泉下臨絕壑鉅石周匝故名

羅星山閩都記作羅心塔云屹立江心鎮會城水口俗呼磨心宋時柳七娘嶺南李氏女有色里豪謀奪之抵其夫於法謫死閩南七娘入閩捐貲造塔以資冥福名勝志云在馬江北岸福州府志云晉嚴高將遷城作圖以咨郭璞璞以馬江水瀉爲病及更圖見此山遂定議

王埔山在嘉登里閩書云南峙白雲山西爲琅琦山下有龍臺宋學士林存之所居也白雲山可觀日裔爲張崎有兩石隱萬石中潮至相擊聲如雷故名海雷跳而東則壺江山元海曲里也前有雙龜與後有五虎山青羊山福斗山

琅琦山在紹惠里名勝志云有蓮花與可觀日出

壺江山八閩志作湖江山云與王埔山對峙福州府志云距城百里

文筆山八閩志云在湖江山之後與金雞山相連屬其形如筆

五虎山福州府志云又名五虎門在海中屬嘉登里

福斗山名勝志云在五虎門外

安民崎閩都記云微有岡阜郡城初案也民居鱗次

橫山閩書云出寧越門二里曰橫山迤西南爲惠澤山一名獨山爲南臺山

惠澤山八閩志云在橫山之南山之西百步許曰獨山名勝志云橫山獨

山俱在平地又里許有南臺山

案以上三書分別橫山獨山南臺山當以名勝志爲允

釣龍山在惠澤山之南一名南臺山寰宇記云在州南九里昔越王無諸于此臺釣得白龍因號釣龍臺三山志作釣龍臺山云臨江築爲壇台引黃萼詩序云壇高四丈周回三十六步八閩志云山由烏石山一脈蜿蜒起伏經白馬廟山行數里至上行

案亦作航今作杭

尾崇阜屹立俯瞰巨

澤臺上可坐百餘人閩書云今市廛矣有宋米芾書全閩第一江山趙汝愚隸古南臺皆刻石上閩王無諸廟在焉

天寧山在時昇里三山志云崇寧二年詔諸州建崇寧寺創于浮橋之南危巉百級波光入戶真江南之勝也政和元年勅改天寧萬壽禪寺閩書云自橫山南渡三橋爲是山有臺曰天寧俗名鹽倉山又名挂榜山省會第一案也西爲黃柏嶺

藤山八閩志云其脈一起一伏如瓜引蔓故名閩都記云山多梅花開時郡人載酒出遊有菴在梅塢中山之東爲下渡閩書云自天寧山而東

爲此山名勝志云花盛開時一望如瓊瑤世界

清鄭思銓有藤山記云閩山皆起於銅鼓至雙江臺畔接天寧而降迤者曰藤山蓋會垣第二案也首北向左曰上渡右曰下渡山之四障有梅萬株抵程埔可十里許曰梅塢高處可眺遠者曰烟台山山脚曰何家坑鬱積沈厚蟠結堅凝其脈由北先發曰中洲繼乃迤東爲大嶺爲雁峰爲盧家山藤之左臂也迤西爲慈山爲程埔山藤之右臂也中爲麥園頂藤之吭也紆徐蜿蜒南行至小嶺藤之腹也脈一聚焉復東爲茶園山爲東密山爲後藤山藤之背也西爲埔頂山爲牛眠山藤之腰也由是復南行至鰲頭境藤之尾也脈一聚焉忽起聳一峰反顧於後爲走馬山至北園再起聳一峰爲石室山由是其脈折而南爲鳳山綿綿延延二十餘里或起或伏形家稱爲瓊花玉島焉南宋以後雖有民居未成村落元時中州避亂來此日衆生齒漸繁陵谷亦變明興文物衣冠甲於他里入清以來山北山南開拓無遺道光以後島人入居商

賈雲集舊觀頓改矣

閩山三峯草廬詩注云在萬壽橋下潮落則浩漭有聲

鰲頭山八閩志云由藤山發脈聳起一峰反顧藤山之後

壺嶼山八閩志云在光德里高湖其山形如倒壺故名閩書云鰲頭又東

爲壺嶼山石室山

石室山閩都記云俗名北園在高蓋山麓

飲井山在仁惠里八閩志云山有井泉味極佳亢旱不涸山南有大步嶺
新安山八閩志云跨仁惠歸義二里中上有石羊跪伏石盤上相傳自會

稽飛來

高蓋山三山志云永福高蓋山乃徐登學道之所嘗望祀于此故名八閩

志云在仁豐里閩郡前第三山

案當作第二案

也相傳漢徐登嘗修煉此山後

入永福縣高蓋山上昇山有仙人井相傳昔有牛墜井中牧童疾走告
其父兄至則牛已出井上矣又有青龍池蘆灣洞洞前有棋盤石閩都

記云有三峰九島唐宋以來山屬官任民樵採萬曆中豪家侵爲己業詭受糧於縣曰鬻人造墳纍若叢冢青龍池一名天池閩書云有峰曰徐女相傳水仙之女也採苦參服食於此有溪曰桃花元陳億種桃數百本春時眠食其中花謝乃去山之南齊姓居之曰齊坑閩都記云齊坑山高蓋之支也與北園王灣新安蟠巖諸山相聯絡

平山八閩志云在林浦宋幼主駐兵于此山因其崎嶇而平之陳宜中題曰平山福地閩書云在凰山東有九曲山有薰風隴南華峰蓬萊橋錦繡谷逍遙臺

瑞跡嶺在開化里三山志云大中六年有邵環者遊山閒頓聞異香又白光粲然乃卽其光而往見銀色化佛須臾入枯木光亦不散因現足跡於盤石

甘泉山在開化里八閩志云中有白泉湧出不竭閩都記云在平山之南閩書云南爲邵崎爲翁崎有山曰大翁曰傳坑曰清涼石几